

ILLVSTRISSIMO
ET POTENTISSIMO
PRINCIPI AC DOMINO DOMINO
CHRISTIANO, Duci Saxoniæ Sacri Romani Imperij
Archimarscallo & Electori, Landgrauio Thuringiax,
Marchioni Misniæ & Burggrauio Magdebur-
gensi Domino suo clemen-
tissimo.

Inter reliquas artes, quas Deus Opt. Max.
generi humano propter amplissimas utili-
tates monstrauit, ea, quæ corporum cœle-
stium motus, eorumq; accidentia varia
enumerat & explicat, præclarissima est, &
maxime necessaria, quod non solum ipsa rei evidentia,
sed etiam omnium sapientum iudicia & testimonia
comprobant.

Nam doctrina hæc, quæ perpetuas motus primi mo-
bilis leges, vicesq; æstatis & hyemis, dierumq; ac nocti-
um ad animantium conseruationem accommodatas,
ostendit illustre est testimonium de Deo opifice, nosq;
conuincit, ut firmissima assensione statuamus esse quan-
dam mentem æternam architectricem, quæ infinita
bonitate & sapientia hanc mundi machinam condidit,
eamq; conseruat & regit. Affirmat & Plato in Timæo o-
culos nobis mortalibus Astronomiæ causa præcipue da-
tos esse, ut ad quærendam Dei notitiam duces essent.

A 2 verba